

受持如是經典如佛所說等無有異廣為四
眾宣釋分別尔時人天阿脩羅閻婆一切
大眾聞經歡喜讚歎善哉

十八末

大方等大集經卷第七

位七

大方等大集經卷第八

讓一

北凉天竺三歲曇無讖於姑咸譯

海慧菩薩品第四之一

尔時世尊故在欲色二界中間大寶坊中與
諸大眾圍遶說法是時三千大千世界大水
盈滿猶如大海又如劫盡水灾起時然諸世
界國邑村落城郭舍宅山林樹木上至色界
無所燒害悉皆如故而諸大眾皆見是水尔
時水中出生無量分陀利華青琉璃莖真金
為葉功德寶臺帝釋寶鬘周帀多有無量之
華縱廣十里在寶坊中高一多羅樹尔時大
眾各各自見在此華上其華尔時出大光明

遍照十方無量世界尔時大眾心生歡喜我
等今者必當得聞殊勝妙法尔時弥勒菩薩
即從座起前禮佛足右遶三帀於蓮華上長
跪合掌白佛言世尊何因緣故如是三千大
千世界滿中大水猶如大海又如劫盡水灾
起時復出無量分陀利華大光如是遍照十

方無量世界佛言弥勒下方過於三千大千
世界微塵等國有一世界名寶莊嚴其土有
佛號海智神通如來應供正遍知明行足善
逝世間解無上士調御丈夫天人師佛世尊
彼有菩薩名曰海慧欲來至此大寶坊中與
無數菩薩俱共已斷一切數想欲來聽是大集
經典時舍利弗白佛言世尊彼佛世界去此
甚遠海慧在彼頗得聞此佛所說不佛言舍
利弗如汝今於我前所聞彼亦如是如汝今
日及諸大眾親見於我海慧菩薩見我亦尔
世尊菩薩摩訶薩所有神通不可思議住於
極遠無量世界而有如是無礙天眼無障耳

通世尊誰有聞是不思議事而當不發阿耨
 多羅三藐三菩提心唯除下劣不肖人耳
 時海慧菩薩具足無量神通之力於一念中
 在彼國滅忽然現此大寶坊中即入三昧令
 此大眾悉得遇見彼佛世界所有人民城邑
 聚落屋舍殿堂山林樹木飛鳥走獸及見彼

佛與諸大眾圍遶說法現是事已即從三昧
 安詳而起前禮佛足右遶三匝以其世界所
 有香華種種伎樂供養於佛作如是言下方
 世界海慧神通如來致問無量如來身命及
 以大眾悉安隱不却坐一面寶蓮華上時有
 梵王名曰修悲作是思惟何因緣故有是大
 後 大集八

水滿此三千大千世界而非水災我今當往
 問於世尊即與六万八千梵俱詣如來所頭
 面敬禮右遶三匝長跪合掌白佛言世尊何
 因緣故此三千大千世界七寶蓮華莊嚴
 遍滿無量菩薩各各次第坐寶華上三千世
 界大水盈滿佛言梵天善男子此是海慧菩

薩摩訶薩神通之力梵天言世尊如來所說
 大集妙典猶未訖即佛言梵天如來所有樂
 說無礙不可窮盡梵天佛與無量菩薩大眾
 觀察法界講論法界法樂微妙亦不可盡梵
 天言世尊如來所言海慧菩薩其誰是即佛
 言梵天汝今不見坐寶蓮華其華縱廣滿十

由延為諸菩薩之所恭敬讚嘆者乎其身色
 像光明瑋瑋唯除如來餘無及者尔時梵天
 見已即生恭敬之心頭面禮拜作如是言若
 有得見如是正士得大利益我今遇之亦復
 如是世尊如是正法當久近住佛言善男子
 如是正法如如來壽我涅槃後是諸菩薩亦

護是法何以故此經即是過去未來現在佛
 印尔時海慧菩薩踊在空中高七多羅樹示
 現已身智慧之力為令大眾生信心故莊嚴
 此經故而說偈言

下方有土過塵數 有佛海智神通尊
 常為衆生演說法 我聞能受為人說

後大集八

三

我今來此大衆中	供養恭敬十力尊
所來眷屬諸菩薩	爲破法中細疑心
我今敬禮最無勝	如法而作上供養
爲欲莊嚴上菩提	教化衆生無上道
若觀諸色無有相	亦能斷離三種受
若無相貌及種性	是人能禮無上尊
若不貪著我我所	亦復修集於中道
觀一切法如虛空	是人能禮無上尊
若不貪著諸境界	亦能寂靜於內入
於諸法界不生著	是人能禮無上尊
若見如來真法身	能堅無上大法幢
見一切法如幻相	是人能禮無上尊
若見無施無受者	無作無受亦如是
若無正見及邪見	是人能禮無上尊
亦不定在菩提中	又不決定在生死
遠離一切諸煩惱	是人能禮於如來
若有至心修善法	淨身口意三業等
亦能調伏於諸根	是人能禮無上尊

若忍諸法無有我	不成菩提捨衆生
爲菩提故持淨戒	是人能禮無上尊
若觀諸法猶如炎	衆生平等如虛空
淨心不作諸心想	是人能禮無上尊
爲諸衆生受大苦	爲菩提故修忍辱
觀一切法如水月	是人能禮於正覺
觀無衆生命士夫	亦爲衆生修菩提
觀法念念滅盡相	是人能禮無上尊
受地獄苦心不退	勤加精進修習道
聞諸法空心不怖	是人能禮無上尊
一切境界無罣礙	猶如空中動手者
亦觀三世相平等	是人能禮無上尊
若魔不能知其心	是人則得大神通
若說法字義無盡	是人能禮無上尊
若能遍聞諸佛音	聞已受持廣宣說
不見三寶差別相	是人能禮無上尊
如來具六波羅蜜	無有去來如虛空
了了知諸衆生界	是故我禮無上尊

讀大集八

四

如來成就火功德 終不生於似我慢
 我今敬禮佛色像 是身世間不能作
 佛光勝於一切光 其音殊妙亦最上
 一切衆生不見頂 是故我禮一切勝
 如來知諸衆生解 隨解而為演說法
 能知煩惱之對治 是故我禮於世尊

今時海慧菩薩偈讚佛已從空而下白佛言
 世尊我今於此欲少諮問唯願如來哀愍聽
 許佛言善哉善哉善男子隨意致問吾當為
 汝分別解說海慧菩薩言世尊我先聞有淨
 印三昧若有菩薩住是三昧即得阿耨多羅
 三藐三菩提唯願如來說是三昧令諸菩薩

普皆得聞聞已皆當莊嚴修行為阿耨多羅
 三藐三菩提故佛言善男子至心諦聽吾今
 當說善男子如淨寶珠匠者碌磨價直無量
 人所珍重善男子菩薩初發菩提心已修集
 善法多聞思惟觀察法界淨於初心初心既
 淨成為諸佛菩薩敬念即便獲得淨印三昧

善男子淨寶珠者離九種寶何等為九一者
 金性二者銀性三者琉璃性四者玻璃性五
 者碼瑙性六者蓮華性七者碑磔性八者功
 德寶性九者珊瑚性是名為九離是九性名
 淨寶珠其價無量轉輪聖王之所受用是珠
 光明餘光不及善男子菩薩摩訶薩發菩提

懷大集八

五

心亦復如是離九種性得淨印三昧何等為
 九一者凡夫性二者信行性三者法行性四
 者八忍性五者須陀洹性六者斯陀含性七
 者阿那含性八者阿羅漢性九者辟支佛性
 離是九性入佛種性得淨印三昧以其淨故
 勝於一切聲聞緣覺施於一切衆生光明善

男子淨寶珠者耐磨穿押是故此珠名無瑕
 疵善男子淨印三昧亦復如是善男子云何
 淨印三昧修習三戒具十善法修行慈悲憐
 愍衆生見他事業親往營理愛念一切修捨
 意淨常念衆生以四攝法攝取一切專念六
 念調伏諸根少欲知足不斷聖種息諸闍訟

壞於憍慢恭敬供養諸師和上耆舊長宿不輕於他求法護法遠離惡法於佛法僧信心無壞心常緣念一切善法不讚已身常稱他德知恩報恩淨諸威儀具於忍辱求舍摩他修陀羅尼心等如風地水火空常樂出家修習寂靜持戒精進親近善友淨於諸根眼耳

鼻舌身心無礙觀於不淨為壞貪結修習慈心為破怨親觀十二緣為壞無明遠離一切障礙之法施法無悞具足成就六波羅蜜不求餘乘內外清淨觀生死過於菩提道心不悔退教化衆生於大乘中善男子菩薩具足如是等法淨不淨意發阿耨多羅三藐三菩

提心是名寶珠尔時世尊即說頌曰

若有修習大慈心 具足成滿十善法
是人定見弥勒佛 故菩提心難思議
修習大悲為衆生 亦常教化於大乘
為除煩惱修捨心 故菩提心難思議
具足修習念智慧 及能調伏於自心

能修知足及少欲 是故菩提心最勝
遠離一切諸惡法 其心柔輒於衆生
增長一切諸善法 是故菩提心最勝
恭敬供養師和上 紹繼增長聖種性
遠離一切諸憍慢 是故菩提心最勝
其心質直不欺誑 常樂寂靜化衆生

儀
大集八

六

除去憍慢不輕他 是故菩提心最勝
護持正法能聽說 化諸衆生離煩惱
至心專念無上乘 是故菩提心最勝
供養三寶信四諦 遠離諸惡修善法
不瞋不恚於衆生 是故菩提心最勝
客煩惱起生慚愧 即向十方佛懺悔

修習善法調諸根 是故菩提心最勝
淨身口意知業果 知思念恩能酬報
信十二緣淨威儀 是故菩提心最勝
具舍摩陀修智慧 具足持戒樂菩提
受大苦惱心不動 是故菩提心最勝
其心平等如四大 視諸衆生如虛空

常樂出家修菩提
貪樂寂靜淨身心
實語法語真義語
隨所說法而安住
於所修法無懈怠
親近善友佛菩薩

是故菩提心最勝
修行法行觀四諦
是故菩提心最勝
懃修精進壞魔業
是故菩提心最勝
能度眾生生死海

能淨一切六境界
遠離障礙除五蓋
貪欲瞋癡如對治
觀善思惟具念心
不畏生死樂涅槃
凡所說法不為食

是故菩提心最勝
諸根清淨無憍慢
是故菩提心最勝
修助菩提得神通
是故菩提心最勝
於諸法中心無悋

漢 大集八

修行善法不求報
不以餘乘攝眾生
其心無量無有邊
內外清淨無過咎
修菩提時心不悔
知眾生界淨國土

是故菩提心最勝
所說眾樂而受持
是故菩提心最勝
不畏生死修菩提
是故菩提心最勝
莊嚴菩提不自為

迷惑眾生示正道
善知法界真實性
能破眾生怖畏想
若能具足如是法
不為世法之所汙
若有能發菩提心

是故菩提心最勝
無分別智不可說
是故菩提心最勝
是能淨發菩提心
煩惱魔業亦復然
是則能勝一切乘

能淨一切眾生心

亦能演說無上道

善男子云何名為菩提之心押而不壞押者
名為大悲緣於一切眾生紹三寶種不令斷
絕為佛法故莊嚴善根三十二相八十種好
嚴淨世界為護正法不惜身命善男子若為
諸惡眾生打觸惱亂燒害悉當忍之亦應不

捨一切眾生心不生悔不愁不惱為調眾生
懃加精進若遇罵辱瞋恚打擲嘿然受之終
不加報應作是念夫大乘者與世共諍何以
故一切眾生順生死流大乘之法逆生死流
一切眾生各各諍訟大乘之法破壞闢諍一
切眾生瞋恚熾盛大乘之法除滅瞋心一切

衆生各各虛誑大乘之法質直無虛十方世界若有衆生以諸刀杖隨逐菩薩而作是言誰有發此菩提心者我當段段枝解其身如胡麻許菩薩聞此終不退轉菩提之心亦不放捨慈悲喜捨惠施持戒忍辱精進禪定智慧何以故菩薩思惟我於無量無邊世中受

大地獄畜生餓鬼人天等身受行惡法不能自利及利他人若我或於無量世中爲彼惡人刀杖隨逐節節枝解我終不捨於菩提心及諸衆生何以故若我不能忍受如是世中苦者何能堪忍地獄諸苦行善法時多有惡法來作障礙我若不忍云何能作種種善法

讚 大集八
一切衆生施我惡事我要當以善法施之衆生施我刀杖罵辱我以無上大忍施之菩薩摩訶薩若能如是思惟觀者當知不久得阿耨多羅三藐三菩提如是觀已能忍三押謂身口意云何押身若菩薩身被枝解時亦時依法將順惡人具足六波羅蜜云何菩薩身

被枝解而得具足六波羅蜜菩薩若被枝解身體不惜身命亦時具足檀波羅蜜於彼惡人修習慈心亦時具足尸波羅蜜不瞋不罵不以惡事還往加之亦時具足忍波羅蜜爲諸衆生勲行精進終不捨離菩提之心亦時具足精進波羅蜜若他瞋打其心不動不失

正念其意清淨亦時具足禪波羅蜜觀身無常苦空無我猶如草木瓦石等類亦時具足般若波羅蜜具足如是六波羅蜜已押而不壞是名押身云何押口忍於一切惡言罵辱若實不實但責已身煩惱諸結終不怨他爲諸衆生修習慈悲菩薩摩訶薩修習如是忍

惡罵時即得具足六波羅蜜菩薩摩訶薩遇罵辱時即作是念是人往世慳貪因緣親近惡友得是惡心我破慳貪修習惠施親近善友是故我能捨是瞋恚亦時具足檀波羅蜜菩薩摩訶薩遇罵辱時作是念言是人破戒不信業果是故罵我我受持戒信於業報是

讚 大集八

九

故修忍念於菩提護持正法將順衆生尔時具足尸波羅蜜菩薩摩訶薩遇罵辱時作是思惟是人懈怠不修善法是故罵我我勤精進修習善法捨離瞋心於善法所心無厭足我今要當設大方便先令是人坐菩提樹然後我當取菩提果尔時具足精進波羅蜜菩薩摩訶薩遇罵辱時復作是念是人失念狂亂放逸煩惱所汙我今破壞一切煩惱為如是等諸惡衆生發菩提心若諸衆生悉清淨者我復何緣發菩提心是故專心緣念菩提心不念務尔時具足禪波羅蜜菩薩摩訶薩遇罵辱時復作是念是人著我我所衆生壽命士夫我依法界法界之中誰罵誰受我亦不見一法是罵及以罵者尔時具足般若波羅蜜若能至心受持修行五波羅蜜尔時具足忍波羅蜜是名押口云何押心不畏魔衆退菩提心不畏一切衆邪異見退菩提心不畏地獄餓鬼畜生種種諸苦退菩提心若見佛

像來作是言汝亦不能發菩提心菩提之道甚為難得不如早修聲聞乘法速證涅槃受大安樂菩薩尔時聞是語已即自思惟菩提之道難之與易我終不退定當得到菩提樹下坐金剛牀我昔已請一切衆生許當以法而惠施之我今未與云何欺誑我當隨順一切佛心堪忍如是押心之事不誑諸佛人天大衆及以己身是名押心尔時世尊即說頌曰
 向菩提道心不壞 大慈大悲亦復然
 又不斷絕三寶種 無量莊嚴為菩提
 為佛十力四無畏 三十二相八十好
 無量世中捨財施 亦受種種大苦惱
 為得三寶諸功德 受持正法而廣說
 為度衆生生死海 是故堪受種種苦
 十方世界惡衆生 執持刀杖逼我身
 心終不動失菩提 憐愍一切衆生故
 無量劫中受苦惱 不能自利及利他
 今我此忍大利益 亦能得佛無量德

廣
大
集
經
卷
第
八

十

為佛功德碎其身
心亦不退無上道
行住坐卧念菩提
若欲起瞋於衆生
三惡道中受諸苦
不求人天上快樂

猶如胡麻心不悔
多受諸苦為菩提
其心寂靜離煩惱
先當怨已及煩惱
為諸衆生得佛道
甘樂為衆受諸苦

若於人所受苦
雖受三惡無量苦
觀身無常及無我
至心放捨如是身
流轉諸有受衆苦
菩薩能觀身真實

不及地獄百千一
亦不退失菩提心
四大之性如四蛇
能得智慧無上道
以不能觀身真實
是故永離諸苦惱

行惡之時無妨礙
諸佛世尊為證知
我今能忍如是等
以是因緣菩提心
捨身具六波羅蜜
於彼惡人生慈心

修行善法多留難
是故我受種種苦
身口意業無量苦
堅牢畢竟不可動
於身無貪具足檀
是故具足於尸羅

割時能忍不生瞋
受苦時心不動轉
不失念心樂寂靜
觀身無我無我所
若我能作是莊嚴
若我不忍惡口業

以是因緣具羸提
是故具足毗梨耶
是故具足於禪那
介時具足於般若
不久定得無上道
云何能壞衆煩惱

護大集八

十一

若我調伏身口意
能壞一切諸魔衆
若欲具六波羅蜜
獲得無上無價寶
善男子云何名為穿菩提心菩薩既發心已
終不生於相似我慢不著菩提心不貪菩提
心不愛菩提心不觀菩提心如是則能令心
寂靜觀深法界觀諸佛法深法界者謂十二
因緣遠離二邊一切諸法性自無我觀於我
性一切法性空無有生信空三昧無相無願
知諸行法無所造作觀色如沫受如水泡想
如熱炎行如芭蕉識則如幻觀界無作無有

動搖入如靜盲心無暫住憍慢之結都無生處諸法無二無有分別一味一乘一道一源觀一切聲無有聲相一切音聲次第不合一切諸法不可宣說了知苦相集無我所於滅不增知道畢竟無障礙故觀身念處知去來受念心出滅知於法界觀界非界故修正勤欲得自在故修如意離諸煩惱名為信根樂於寂靜名精進根非有念故名念根非思惟故名為定根遠離一切名為慧根不隨他故名為信力無障礙故名精進力不退轉故名為念力心得自在名為定力不觀善惡名為慧力不放逸故名念覺分入諸法故名擇法覺分如法行故名進覺分遠離惡故名喜覺分身心寂靜名除覺分知實三昧名定覺分不觀於二名捨覺分遠離諸見名為正見離諸覺觀名正思惟知諸聲性名為正語於身口意不生貪著名為正業離嫉妬心名為正命不增不減名正精進於善不善不生貪著

是名正念觀諸心界是名正定實相定性其性寂靜畢竟義者名無常苦無我假名清淨大淨能調心者名之為施身心清涼名之為戒諸法無常名之為忍勤修是智名為精進內外清淨名為三昧觀真實故名為智慧知諸眾生心惟本淨是名為慈觀於一切等如虛空是名為悲斷一切喜名為喜心遠一切行名為捨心一切諸法未來世淨過去種種現在無我善男子若能真實觀察了知如是等法是名為穿菩提心寶菩薩觀察如是法已次第得一切法自在陀羅尼善男子譬如日月不作往來照明之心以諸眾生福德力故自行往反壞諸闇冥善男子菩薩摩訶薩若能觀了如是等法亦復如是不作是念我當利益無量眾生而令眾生得大利益善男子若菩薩摩訶薩能作是觀是名禪波羅蜜般若波羅蜜何以故入定乃能作如是觀亂心不能定者即是禪波羅蜜觀者即是般若

灌大集八

十一

波羅蜜如是乃能觀於真實了了見於一切法相云何名見一切法相一切法相名無相相言無相者即是無作即此無作名之爲相若能永斷如是無相即無相相又無相者名無生相無相相者名無滅相無生無滅名無相無相相若見無生無滅無住無一無二無

瞋無諍無有如尔不動不轉知於法性是名真性是名法性是名實性善男子菩薩摩訶薩若真實知如是等法名非住住說是法時十二那由他衆生發阿耨多羅三藐三菩提心万六千天子得無生忍尔時世尊即說頌曰能破一切諸法相 清淨無上菩提心

若能如是觀察者
明見甚深諸法界
以是不怖因緣故
明信於因及果報
遠離二邊常斷見
於常無常心不著

即得不著一切法
亦不怖畏於涅槃
則能增長於佛法
十二因緣亦如是
隨意種種說正法
又能演說於中道

法大集八

十三

知一切法是空性
一切諸法空無相
其性本來常寂靜
不觀一切諸法相
觀色如沫受如泡
觀心如幻四大空
無有衆生無壽命
亦復無有次第生
無有能作如虛空
了了覺知無有性
想如熱炎行芭蕉
觀入猶如瞶盲者

又觀心意無內外
不著諸法色色相
觀一切法皆平等
能知如是真實義
無有音聲能觀聲
無有文字觀文字
一切法義不可說
真實知苦集滅道
於諸法界無分別
遠離一切諸煩惱
爲得無量大自在
於一切法不貪著

聲及文字亦復然
具足繫心四念處
其心能得大自在
修四正勤行精進
懃心修習四如意
爲於如是修信根

常樂住於大寂靜
 心無念慮知真實
 悉能調伏諸心想
 為能觀察諸法界
 為欲了知諸法界
 不觀諸法一二數

是故修習精進根
 是故修習於念根
 是故修習於定根
 是故修習於慧根
 是故修習七覺分
 是故修習八正道

如意能以財物施
 又能清淨於內外
 一切諸法本性淨
 斷一切喜諸煩惱
 一切諸法本性淨
 若觀諸法無生滅

亦能如意受持戒
 是則名為大神通
 是故修習於慈悲
 是故修習於喜心
 去來現在亦復然
 是人即得真實知

護本集八
 亦時世尊復告海慧菩薩言菩薩得是淨大
 淨已其心真實無有欺誑於諸衆生平等無
 二得真實智畢竟大智淨印三昧安住淨印
 三昧根本云何名為三昧根本為諸衆生修
 大慈悲雖得供養其心不高瞋恚毀辱心亦
 不下心不高故則能生於不憍法性不憍名

字亦不生於相似我慢身口意業從智慧生
 是故一切所作諸業非不隨智云何菩薩身
 業隨智所得身形殊勝微妙衆生見者即得
 調伏身四威儀亦能調伏離諸身過身曲身
 滓其身清淨相好莊嚴諸根具足無有缺減
 不恃此身而生憍慢見下色者心亦不輕自
 於其身不生貪著觀身法界及以身業知是
 身已念於法身不求食身以定為食為調衆
 生現受其施常修聖行所謂非為貪欲瞋恚
 愚癡受持淨戒擁護正法菩薩摩訶薩具足
 如是隨智身業得大神力無所畏力以是力
 故於諸佛土普示其身如此世界所示色身

護本集八
 餘諸世界亦復如是放大光明遍照十方無
 量世界其光柔軟衆生遇者離煩惱熱離煩
 惱已受大快樂是名菩薩身業隨智云何菩
 薩口業隨智所謂遠離六十四種惡口之業
 麤語濁語非時語妄語濁語大語高語輕語
 破語不了語散語佞語仰語錯語惡語畏語

吃語諍語誦語誑語惱語怯語邪語罪語啞語入語燒語地獄語虛語慢語輕語不愛語說罪各語失語別離語利惡語兩舌語無義語無護語喜語狂語然語害語繫語閑語縛語打語歌語非法語自讚歎語說他過語謗三寶語是名六十四善男子菩薩摩訶薩遠

離如是惡口等事凡有所說說實說真說解脫說如實說隨諦說利眾生說隨眾生心實不實說眾樂聞說一切聲說一切語說淨眾生根說令眾生離於煩惱說於佛語說於甘露其聲遍聞十方世界說令眾生永離苦惱說於深義說調眾生說不造作是名菩薩口

業隨智云何菩薩意業隨智住一心中能知一切眾生之心常在禪定現諸威儀一切眾魔聲聞緣覺悉不能知心所緣處終不生心欲自毀害方便害他了一切法通達無礙得如是心不受能受亦不證滅是名菩薩意業隨智是名淨印三昧根本如是根本復有十

種一者淨初發心二者淨菩提道三者淨六波羅蜜四者淨乾慧故修於三昧五者淨相六者淨好七者淨陀羅尼八者淨如法住九者淨於無失十者淨三十七助道之法是法為十善男子淨印三昧具三十法一者內淨二者外淨三者心淨四者憍慢淨五者身淨

六者眼淨七者一切眾生無眾生淨八者一切法本性淨九者一切法同一味淨十者空無相願淨十一者解脫法門淨十二者一切諸法入法界淨十三者一切諸法入一性淨十四者信心無壞淨十五者無障礙淨十六者一切解脫淨十七者無為淨十八者觀十

二因緣淨十九者十力四無所畏淨二十者無勝淨二十一者一切法智淨二十二者過去業淨二十三慈悲淨二十四者不捨眾生淨二十五者破諸魔業淨二十六者離內貪淨二十七者離諸習氣淨二十八者一念知一切法淨二十九者不失念心淨三十者

該大集八

支

具足莊嚴淨菩薩具足如是等法名淨印三昧得是三昧已得入不共法何等為八所得世界金剛為地一樹之上種種枝葉種種華果一切衆生不起煩惱地獄餓鬼畜生之類悉見菩薩坐菩提樹見已即得微妙快樂金光遍照無量世界一切大地六種震動無一

衆生有嫉害者一念之智知一切法是名為入今時世尊即說頌曰

若知諸法如虛空 淨於本性不生滅
即能淨於如來印 亦得住於定根本
雖得供養心不喜 呵責罵辱心不瞋
修習慈悲心平等 是則名為淨印定

遠離一切諸憍慢 離已其心不自高
能呵煩惱諸結縛 是則名為淨印定
其身永離諸惡業 莊嚴妙相三十二
具足清淨於諸根 亦復不生憍慢結
見有下色醜陋者 貧窮斯下心不輕
為菩提故說淨法 是則名為淨印定

觀察於身真實性 壞於衆生貪身想
是故獲得上法身 遠離一切雜食身
常在禪定法喜食 為衆生故受揣食
甘露上味增法命 是則名為淨印定
愛樂聖行持佛戒 遠離貪欲恚癡等
菩薩先自調其身 然後復為衆生說

護大集八

七

神通遍遊諸十方 為調衆生演說法
如彼色像示其身 隨其意趣為說法
身出無量金色光 遍照十方諸世界
能壞衆生煩惱熱 增長菩提心功德
若有三惡苦衆生 遇已悉得無上樂
皆得遠離惡道苦 信心成就修善業

如來所說身淨業 為令衆生淨佛身
若有能修如是業 獲得淨身如先佛
若有遠離惡口業 即得從智微妙聲
凡所演說衆樂聞 聞者皆得生善牙
遠離六十四惡口 是人則能說甘露
能說無為之大業 亦能善解衆生語

能離貪欲恚癡語
其聲遍聞十方界
呵毀打害不瞋諍
為衆演說不可說
若能清淨如是業
如來所說口淨業

演說甚深真實義
為衆宣說實解脫
心常憐愍柔濡語
說已其心不生慢
是人遠離口諸惡
為令衆得廣長舌

若有修習善意業
常在禪定示威儀
不受能受為衆生
一切衆魔不知心
不生害心於自他
若欲得是淨印定

是人一念知諸心
壞諸魔業心不高
了知真實不證滅
聲聞緣覺亦復然
能觀甚深諸法界
常當修習於十法

清淨莊嚴佛境界
具足功德及身相
如法而住淨其心
離一切障慧無礙
修助菩提無放逸
無量世界身無礙

淨於善法及六度
得無礙說陀羅尼
不失念心說無我
其意無失具功德
為諸衆生說菩提
演說正法化衆生

具足八種不共法
獲得無上大利益
金剛為地樹種種
悉見菩薩坐菩提
若欲具足如是德
當修淨印三昧定
如來修習是定故
獲得功德不可議

大方等大集經卷第八

讓一十八末